



PRO IMPARARE

1

MICHELE LADU

GIANFRANCA PIRAS*

PRO IMPARARE 1

* in collaborazione con *Barbara Murru*



PROVINTZIA DE ARISTANIS
SETTORE PROMOTZIONE DE SU TERRITÒRIU

**UFFITZIU DE SA LIMBA E
DE SA CULTURA SARDA**

Dischente (òpera in ses volùmenes):

1. Dischente 1: Sa tutela de sas limbas de minoria, Sa situatzione linguistica oe in die in Sardigna, Is sonos de su sardu, Su repertòriu linguisticu de una comunidade-mollu in Sardigna, Interlinguistica sardu-italianu (sàgios de *Antonio Ignazio Garau, Michele Ladu, Gianfranca Piras*)
2. Dischente 2: Ortografia, Sas noe partes de su discursu (sàgios de *Antonio Ignazio Garau, Michele Ladu, Gianfranca Piras*)
3. Dischente 3: Elementos de anàlisi lògica (sàgiu de *Antonio Ignazio Garau*)
4. Fainas pro s'impreu de su sardu in s'Amministrazione Pùblica (sàgios de *Cristiano Becciu, Michele Ladu, Gianfranca Piras*)
5. Pro imparare 1 (esertitzios de *Michele Ladu, Gianfranca Piras*)
6. Pro imparare 2 (esertitzios de *Michele Ladu, Gianfranca Piras*)

Progetu: *Uffitziu de sa Limba e de sa Cultura Sarda*

Curadores de sa publicatzione: *Salvatore Cubeddu, Marinella Marras*

Progetu gràficu: *Valter Mulas (ADWM)*

Impaginatzione: *Giovanna Zucca*

Editing: *Salvatore Cubeddu, Antonio Ignazio Garau, Marinella Marras*

Imprintadu dae: *Nero a colori Aristanis*

Custa publicatzione est istada finantiada dae:



**PRESIDÈNTZIA DE SU
CONSIGLIU DE SOS MINISTROS**



**REGIONE AUTÒNOMA
DE SA SARDIGNA**

Lege 15 de nadale 1999, n. 482, "Normas in matèria de tutela de sas minorias linguisticas istòricas", annualidade 2007, progetu "Limba Sarda: limba de s'identidade, limba de su mundu" de sa Provintzia de Aristanis, paris cun sos Comunes de Abbasanta, Aidomaggiore, Albagiara, Ales, Allai, Ardauli Assolo, Asuni, Baradili, Baratili San Pietro, Baressa, Bauladu, Bidonì, Bonarcado, Busachi, Cabras, Cuglieri, Curcuris, Flussio, Ghilarza, Gonnoscodina, Gonnosnò, Laconi, Marrubiu, Masullas, Milis, Modolo, Mogorella, Mogoro, Montresta, Morgongiori, Narbolia, Neoneli, Norbello, Nughedu Santa Vittoria, Nureci, Nurachi, Oristano, Palmas Arborea, Pau, Paulilatino, Pompu, Riola Sardo, Ruinas, Sagama, Samugheo, San Nicolò d'Arcidano, Santa Giusta, Santulussurgiu, San Vero Milis, Scano Montiferru, Seneghe, Senis, Siamaggiore, Simala, Sini, Soddi, Solarussa, Sorradile, Suni, Tadasuni, Terralba, Tinnura, Tramatzu, Tresnuraghes, Ula Tirso, Usellu, Villanova Truschedu, Villa Sant'Antonio, Villaurbana, Villaverde, Zeddiani, Zerfaliu.

Setore Promotzione de su territòriu: dirigente ing. *Piero Dau*

Servitziu Istruzione pública, Cultura e Benes culturales: responsàbile senn. *Giorgio Zago*
tel. 0783/3683.218 - fax. 0783/3683.262 e-mail: giorgio.zago@provincia.or.it

Uffitziu de sa Limba e de sa Cultura sarda: dot. *Salvatore Cubeddu, dot.ssa Marinella Marras*
tel. 0783/3683.203 - fax. 0783/3683.206 e-mail: uffitziu@dischente.or.it

© Provintzia de Aristanis, Aristanis, 2011 – TOTU SOS DERETOS RISERVADOS

ETIMOLOGIA E DIFUSIONE

In generale si preferit de isseberare paràulas de derivatzione lineare dae su latinu. A bortas, però, sas paràulas prus difusas nos arribant dae àteras limbas. Es.: *mariposa* (dae s'ispagnolu) = “farfalla notturna”. In casos comente custu **s’issèberat sa forma prus difusa**. Cando b’at paràulas chi tenent su matessi ètimu ma chi sunt pronuntziadas in manera diferente, **si preferit sa forma prus a curtzu a cussa originària**, o chi tenet prus difusione in Sardigna. Es.: FABELLARE > **faeddare/faveddare/fueddari/fueddai**.

1 Intre de sas possibilidades issèbera sa forma prus giusta (sinna una rughe acanta de sa risposta giusta):

- | | | | |
|---|------------------------------------|------------------------------------|------------------------------------|
| 1 | ☐ a) paghe | ☐ b) paxe | ☐ c) paxi |
| 2 | ☐ a) labras | ☐ b) larvas | ☐ c) lavras |
| 3 | ☐ a) maju | ☐ b) mazu | ☐ c) mau |
| 4 | ☐ a) colzu | ☐ b) còrgiu | ☐ c) corzu |
| 5 | ☐ a) àlbure | ☐ b) àrvore | ☐ c) àrbore |

2 Dada sa forma latina, proa a bortare in sardu custas paràulas:

- | | |
|---------------------------------|-------|
| a) bue < lat. bove(m) | <hr/> |
| b) fiore < lat. flore(m) | <hr/> |
| c) chiaro < lat. claru(m) | <hr/> |
| d) neve < lat. nive(m) | <hr/> |
| e) nuvola < lat. nube(m) | <hr/> |
| f) occhio < lat. oc(u)lu(m) | <hr/> |
| g) orecchia < lat auric(u)la(m) | <hr/> |

COERÈNTZIA GRÀFICA

Sas paràulas si divent iscriere semper in sa matessi manera (siat in s'incomintzu, siat in sa parte mesana, siat in sa parte finale de sa paràula), chirchende de nos cunformare a sa forma originària. Sas paràulas chi finint in *-s* o in *-r* sighint custa règula. Sas cunsonantes mòbiles *b-*, *d-*, *f-*, *g-*, cherent iscritas semper.

3 Chirca sa forma giusta. Agiuda-ti cun sa forma originària intre parèntesi (sinna una rughe acanta de sa risposta giusta):

- | | | | | |
|----|---|---|---|-------------|
| 1. | ☐ a) buca | ☐ b) uca | ☐ c) 'uca | (< bucam) |
| 2. | ☐ a) 'omo | ☐ b) domo | ☐ c) omo | (< domo) |
| 3. | ☐ a) Ses bella | ☐ b) ser bella | ☐ c) sel bella | (< es) |
| 4. | ☐ a) còrpusu | ☐ b) corpus | ☐ c) corpu | (< corpus) |
| 5. | ☐ a) Santa 'Arbara | ☐ b) Santa Bàrbara | ☐ c) Santa 'Albara | (< Barbara) |
| 6. | ☐ a) bàtoro | ☐ b) bator' | ☐ c) bator | (< quatuor) |
| 7. | ☐ a) idda | ☐ b) 'idda | ☐ c) bidida | (< villam) |

4 Currege sos errores de su documentu chi sighit:

Pro totu sos chi ant partetzipadu a su Seminàriu intercomunale de autoformatzione in limba sarda 'atu in sa 'idda de Montresta dae su 26 a su 27 de Santu 'Aine de su 2007 e denumenadu "Dual dies pro sa limba".

Amigos istimaos,

Bos pedimus, pro praghere, de cumpilare custu cuestionàriu chi pertocada sas atìvidas del fatas in custal diese. Su cuestionàriu est anònimu e diat èssere de utilidade manna pro sas atìvidas chi amus a ammaniare in su tempus benidore.

Bos torramu gràtzias.

EVITARE SAS METÀTESIS

Si devet evitare sa metàtesi (est a nàrrere s'inversione de positzione de duos sonos in intro de una paràula). Es.: PETRA de su latinu si devet iscriere *pedra* (sa /t/ si mùdat in /d/) e non *perda* o *preda*.

5 Dada sa forma latina issèbera sa forma prus giusta intre de sas possibilidades chi si-ghint (sinna una rughe in sa risposta giusta):

- | | | | |
|----------------------|-------------------------------------|-------------------------------------|-------------------------------------|
| 1. < lat. porcu(m) | ☐ a) porcu | ☐ b) procu | ☐ c) polcu |
| 2. < lat. colubra(m) | ☐ a) colorva | ☐ b) colovra | ☐ c) colorba |
| 3. < lat. surdu(m) | ☐ a) suldu | ☐ b) surdu | ☐ c) srudu |
| 4. < lat. vitru(m) | ☐ a) bidru | ☐ b) birdu | ☐ c) bridu |
| 5. < lat. dulce(m) | ☐ a) durche | ☐ b) druche | ☐ c) durce |
| 6. < lat. acru(m) | ☐ a) agru | ☐ b) argu | ☐ c) algu |

6 Dada sa forma latina proa a bortare in sardu custas paràulas (sinna una rughe in sa risposta giusta):

- | | |
|--|-------|
| ☐ a) polpa < lat. pulpa(m) | _____ |
| ☐ b) torto < lat. tortu(m) | _____ |
| ☐ c) falce < lat. falce(m) | _____ |
| ☐ d) suocero < lat. soc(e)ru(m) | _____ |

S'ATZENTU

S'iscriet ebbia cando calat:

- in s'ùrtima vocale → paràula *ossìtona* (es.: *tribù*)
- in sa de tres incumentzende dae s'ùrtima → paràula *proparossìtona* (es.: *òmine*)

7 Issèbera sa forma giusta (sinna una rughe acanta de sa risposta giusta):

1. ☐ a) femina
☐ b) fèmina
2. ☐ a) lùghe
☐ b) lughe
3. ☐ a) dinari
☐ b) dinàri
4. ☐ a) delibera
☐ b) delibera
5. ☐ a) documèntu
☐ b) documentu
6. ☐ a) ufitziu
☐ b) ufitziu

8 In su documentu chi sighit chirca sos errores de atzentu (b'at casos in ue serbit e non b'est, e casos in ue non serbit e b'est):

“Nòrmas in materia de tutèla de sas minorias linguìsticas istòricas”
publicada in sa Gazeta Ufitziale n. 297 de su 20 de Nadale 1999

Artìculu 1.

1. Sa limba ufitziàle de sa Repùblica èst s'italianu.
2. Sa Republica, chi valorizat su patrimoniu linguisticu e culturàle de sa limba italiana, promòvet finas sa valorizatzione de sas limbas e de sas culturas tuteladas dae custa lege.

Artìculu 2.

1. In atuatzione de s'artìculu 6 de sa Costituzione e in armonia cun sos printzípios generales istabilidos dae sos organismos europèos e internatzionales, sa Repùblica tutelat sa limba e sa cultura de sas popolatziones albanèsas, catalanas, germanicas, grecas, islovenas e croatas e de cussas chi faeddant in frantzesu, francu-proventzale, friulanu, ladinu, otzitanu e sardu.

Sunt partigheddas pronuminales àtonas chi si ‘arrumbant’ a sas paràulas tònicas chi benint in antis o a pustis (Es.: *naramilu, dami, dabilu*).

Si separant dae sas paràulas chi benint in antis pro mesu de unu puntigheddu mesanu (Es.: *nara-mi-lu*).

9 Cumpleta cun sa forma giusta cussigiada in italianu intro de parèntesi:

- a) _____ (dimmelo) ite ti serbit.
- b) Pro praghère _____ (portamelo) a inoghe.
- c) Cussa relatzione _____ (portala) a su protocollu.
- d) “In ue ti la lasso sa pinna?” “_____ (posala) a curtzu de s’elaboradore”.
- e) _____ (chiamami) sa segretària de su Comune, pro praghère.
- f) Bae e _____ (prenditi) unu caffè.
- g) Non b’at bisòngiu de iscùsias: _____ (dimmi) sa beridade.
- h) _____ (apriti) sa posta eletrònica e abbàida si t’est arribada sa lìtera mia.
- i) _____ (salutami) meda a sorrastra tua.
- l) Pro praghère _____ (comprami) duas rismas de pabiru.

10 Currege sos errores de clìticos in sas frases chi sighint:

- a) Narabi-lu _____ a sorre tua chi apo telefonadu.
- b) Giughemi _____ una paja de puntinas, pro praghère.
- c) Si l’adòbias, pregonta, lu _____ cando devet calare a Casteddu.
- d) Non b’at isperu de nos bìdere: nara-mi _____ in su telèfonu su chi ti bisòngiat.
- e) Dae-bi-lu _____ a issa su cuntratu.
- f) Pinniga.ti.nde _____ sos pabiros e bae-ti-nche _____ a domo.
- g) Istuda.nde _____ su fax.
- h) Si non bi la faghides prus a traballare collide:bos _____ fèrias.
- i) Cola-mi _____ su telefoneddu, pro praghère.
- l) Piga:mi _____ tres chilos de tzùcaru e duos litros de late.

SAS PARTIGHEDDAS PRONUMENALES NDE / NCHE

Nde podet èssere:

- riferidu a pessone. Es.: *Dae cando est isposa cun Pedru, Maria nde faeddat ogni minutu*
- dimostrativu. Es.: *Non ti còmporo su motorinu ca nde podes rùere*
- nèutru chi currispondet a 'de custa/cussa cosa'. Es.: *Chi sa fura l'at fata issu nde so seguru*
- impreadu in espressiones 'fissas'. Es.: *nde balet sa pena; nde faghet de ogni colore*
- rafortzativu. Es.: *nde naras de cosas!*

Nde / nche las impreamus a tenore de sa 'posizione' de sa pessone chi faeddat.

Es.: *lea·nche·lu a domo mia* → in custu momentu deo so a largu dae domo mia.

bati·nde·lu a domo mia → deo so pròpiu in domo mia.

11 Completa sas frases cun sa partighedda pronominale giusta:

- a) A ti _____ lu leas a domo tua?
- b) Pregonta·bi·lu si _____ cheret de tzùcaru in su caffè.
- c) Bastat. Ti perdono: non _____ faeddemus prus.
- d) _____ est Antoni inoghe?
- e) Su chi chircas tue inoghe non _____ est.
- f) Mi _____ est partu male ca m'at brigadu.

12 Borta in sardu custas frases:

- a) Ho finito i soldi. Me ne presti?

- b) _____
- Non me ne ha voluto parlare.

- c) _____
- Mi mandi il tuo codice IBAN per posta?
- _____

SA VOCALE PARAGÒGICA

Sa vocale paragògica est cussa vocale chi si ponet cando faeddamus a pustis de sas paràulas chi finint in cunsonante pro agiudare sa pronùntzia. Es.: Su tempus → *Su tempusu*. Non cheret iscrita!

13 Currege sas formas isballiadas:

1. Apo comporadu batoro arantzoso e duos chiloso de tzùcaru.

2. S'imposta pro su rèditu de sas pessones fisicasa la divent pagare totusu.

3. Sas amministratzionese podente isseberare sas modalidadese de pagamentu.

4. Imbia sa tzìrculare a sos ufizioso pro lis dare istrutzione. _____
5. Issoso non tenente deretu de rèvoca.

6. No apo tentu su tempusu de ti mutire pro ti dare crarimentoso.

7. Sos operadorese ant a retzire sos utentese lunisi e martisi dae sas 9 a sas 11.

8. Sas iscolasa aberinti su 15 de cabudanni.

Non cheret mai s'atzentu. S'impreat *ne* + paràula chi comintzat cun vocale, *nen* + paràula chi comintzat cun cunsonante. Es.: *ne andat nen benit*.

14 Completa sas frases cun sa forma giusta de negatzione:

1. Non mi paret _____ bellu _____ ricu.
2. Custu isportellu no aberit _____ oe _____ chenàbura.
3. Non bos podet finantziare _____ su Comune _____ sa Provìntzia.
4. _____ Casteddu _____ Aristanis ant firmadu su protocollu de intesa.
5. Unu terrinu gravadu dae usu tzìvicu non lu podent _____ bèndere _____ dare in ereditade.

15 Borta in sardu custas frases e pone sas negatziones giustas:

1. Il Sindaco non riceve né il martedì né il sabato.

2. Non sono stata contattata né per telefono né per posta.

3. Non ho né mangiato né bevuto.

4. Questo accordo non è né onesto né conveniente.

5. L'assistente non sarà disponibile né oggi né domani.

NO/NON

No + paràula chi comintzat cun vocale. Es.: *no andes!*

Non + paràula chi comintzat cun cunsonante. Es.: *non chistionant.*

Etzetzones: pronùmenes *lu, la, l',* → cheren sa negatzione *no*, es.: *no l'apo fatu.*

In positzione finale assoluta si podet iscriere *no* o *nono*.

16 Currege custu avisu:

1. Imprende su fotocopiatore bos pregamus de:

a) Non impreare documentos cun cantzellina frisca.

b) Non impreare documentos cun pinnigas.

c) Non cracare s'alimentadore automáticu de sos originales.

d) No lu lassare allumadu pro tempus meda.

17 Completa sas frases cun sa forma giusta de negatzione:

1. Est immòbile totu su chi _____ si podet tramudare in manera fisica.

2. Unu deretu ruet in prescrizione cando _____ est esertitadu pro unu cantu de tempus istabilidu dae sa lege.

3. S'Istadu podet acordare assistèntzia legale a chie _____ est a tretu de afrontare ispesas protzessuales.

4. Chie tenet sa proprietade nuda de unu bene _____ nde podet dispònnere ca su deretu de usufrutu apartenet a un'àteru sugetu.

5. Cando su sindigu emitit un'ordinàntzia, tocat de l'atuare, pragat o _____.

6. _____ podes traballare in su settore pùblicu si _____ as passadu unu cuncursu.

7. S'ingiuntzione de su Tribunale _____ ammitit obietziones.

8. In Italia est minorene cada pessone chi _____ apat 18 annos de edade.

9. Si una lege _____ l'ant aprovada, su Presidente _____ la podet promulgare.

10. Un'atu est illegìtimu cando _____ est cunforme a sa lege.

S'APÒSTROFU

Sas paràulas s'iscrient semper intreas, cumpletas de is vocales o cunsonantes chi in su faed-dare nche ruent (es.: *"comente istas?" "sa pratza de crèsia"*).

S'elident petzi sos monosillabos *su, sa, mi, ti, si, nde, nche, bi, ddi, ddu, dda, li, lu, la* (pro es.: *"S'abba"*) e sos articulos *unu, una*, (es.: *"un'òmine, un'abe"*).

18 Issèbera sa forma giusta (sinna una rughe acanta de sa risposta giusta):

1. ☐ a) Coment'as fatu?
☐ b) Comente as fatu?
2. ☐ a) S'amministradore
☐ b) Su amministradore
3. ☐ a) S'impresa
☐ b) Sa impresa
4. ☐ a) Un ostàculu
☐ b) Un'ostàculu
5. ☐ a) Un'ente
☐ b) Un ente
6. ☐ a) Un asta pùblica
☐ b) Un'asta pùblica

19 In su documentu chi sighit agata sos errores:

Assessorad' a sa Cultura

Ufitziu de sa Limba Sarda

A su Sìndigu de su Comune

ARGUMENTU: Adòbiu de presentada de su isportellu linguisticu.

Cun sa litera presente bos informamus chi s'Ufitziu nostru est promovend'adòbios de presentada in sas biddas de sa provìntzia ch'ant retzidu su finantziamentu de sa L. 482/99 pro s'abertura de un isportellu linguisticu locale de limba sarda. Bos pedimus sa disponibilidade a fàghere in sa bidda bostra s'adòbiu chi benit, su 16 de Nadale, cum-patibilmente cun sos impignos bostros. Nos diat agradare meda chi s'Amministratzione bostra esseret presente, mescament'in sa persone de su Sìndigu.

S'Assessore a sa Cultura

Su Direttore de su Ufitziu

SA “-T” FINALE IN SA DE 3 PESSONES DE SOS VERBOS

Sa de tres pessones singulare e plurale de sos verbos agabat semper in *-t*, sena dipèndere dae sos cambiamenti de pronùntzia chi si divent a sa fonosintassi o a impreos locales. Es.: *andant*, (*no andana* o *andan*).

20 Issèbera sa forma giusta (sinna una rughe in sa risposta giusta):

- | | |
|--|---|
| 1. ☐ a) faghent
☐ b) faghen
☐ c) faghente | 2. ☐ a) este
☐ b) es
☐ c) est |
| 3. ☐ a) pùblicanta
☐ b) pùblican
☐ c) pùblicant | 4. ☐ a) tenet
☐ b) tenede
☐ c) tene |
| 5. ☐ a) ant
☐ b) ana
☐ c) ante | 6. ☐ a) aberini
☐ b) aberinti
☐ c) aberint |

21 Currege sas frases isballiadas:

1. In antis de fraigare abitatzione noas tocada de fraigare òperas de urbanizatzione primària.

2. No isco si apanta giai pùblicadu sos resurtados.

3. Non m'agradada chi mi controlles sa posta eletrònica.

4. Su telèfonu de s'ufitziu tuo ad'iscuilladu totu su mangianu.

5. Mi paria giustu de bos nàrrere chi teniada resone issu.

S'ACUSATIVU PREPOSITZIONALE

Cando su complementu ogetu est una pessone, si li ponet in dae in antis sa preposizione “a” (“*Apo bidu a Pedru*”). Cando imbetzes su complementu ogetu est un’animale o cosa inanimada, sa preposizione non bi cheret (“*Apo bidu unu cane; apo bidu unu fröre*”).

22 Pone sa preposizione “a” in ue bi cheret:

- a) Apo bidu _____ su sündigu e l’apo informadu de sa cunferèntzia.
- b) Apo iscritu _____ una litera de acumpangiamentu.
- c) Apo atopadu _____ s’assessore regionale.
- d) Non creo de pòdere acumpangiare _____ Mariu.
- e) No apo bidu _____ niunu.
- f) Piga su telèfonu e crama _____ su responsàbile.
- g) Apo bidu _____ su fascìculu chi fias chirchende.
- h) No apo agatadu _____ sa delibera.
- i) Non mi resurtat de àere fatu _____ cussa decraratzione.
- l) Creo de àere bidu _____ sa vetura de s’ingegneri.

23 Borta in sardu sas frases chi sighint:

1. Chiama l’assessore e passamelo.

2. Ho incontrato Luca mentre venivo al lavoro.

3. Non ho visto il fax che mi ha mandato.

4. Devo vedere subito quella relazione.

SA “D” EUFÒNICA

Sa “d” chi impreamus in pronùntzia in dae in antis de paràulas chi cumintzant cun vocale **non cheret signalada in su testu iscritu**. Non s’impreant apòstrofos o tratigheddos pro l’aunire a sa paràula chi la pretzedit o chi la sighit ca no est su resurtadu de peruna elisione, ma est ebbia una ‘cunsonante de agiudu’.

Es.: *cun un’amiga* (ma podimus lèghere *cun d’un’amiga*).

24 Issèbera sa forma giusta (sinna una rughe in sa risposta giusta):

- | | | |
|--|--|--|
| 1. ☐ a) in d’unu minutu | ☐ b) in unu minutu | ☐ c) in dunu minutu |
| 2. ☐ a) cun un’àtera | ☐ b) cun d’un’àtera | ☐ c) cun dun’àtera |
| 3. ☐ a) a ogni unu | ☐ b) a d’ogni unu | ☐ c) a dogn’unu |
| 4. ☐ a) in dogni modu | ☐ b) in d’ogni modu | ☐ c) in ogni modu |

25 Borta in sardu custas frases:

1. Il questionario per il censimento arriverà in ogni casa.

2. In ogni caso bisogna cercare di mantenere la calma.

3. Con ogni cartella vi daremo una penna.

4. Sarà pronto in un attimo.

COMENTE ISCRÌERE SA “Z”

Sa z podet tènnere duos sonos: tostu (“sordo”) e lenu (“sonoro”).
1) Cando su sonu est tostu s’iscriet **tz** (*Tramatza, Atzara, Atzeni, Angotzi...*).
2) Cando su sonu est lenu s’iscriet **z** (*pinzellu, ziminera...*).
Non s’iscriet mai dòpia.

26 Trascrìe in sardu custas paràulas e iscrie si tenent una /z/ tosta o una /z/ lenu (sinna una rughe acanta de sa risposta giusta):

a)	zucchero	_____	tosta	☐	lenu	☐
b)	indennizzo	_____	tosta	☐	lenu	☐
c)	ufficiale giudiziario	_____	tosta	☐	lenu	☐
d)	autorizzare	_____	tosta	☐	lenu	☐
e)	privatizzato	_____	tosta	☐	lenu	☐
f)	società	_____	tosta	☐	lenu	☐
g)	relazione	_____	tosta	☐	lenu	☐
h)	vecchio	_____	tosta	☐	lenu	☐
i)	ragazzo	_____	tosta	☐	lenu	☐
l)	accesso	_____	tosta	☐	lenu	☐

27 In custu artìculu de sa lege 482 b’at errores in s’impreu iscritu de sa /z/.
Agata·los e currege·los:

In cunforma a sos artìculos 6 e 8 de sa lege 19 de santandria de su 1990, n. 341, sas universidades de sas regiones interessadas, in s’àmbitu de s’autonomia issoro e de sos istanziamientos ordinàrios de bilàntziu, leant ogni inizziativa, inclùdida s’istitutzione de cursos de limba e de cultura de sas limbas prevididas in s’artìculu 2, finalizzata a fatzilitare sa chirca iscientífica e sas atividades culturales e formativas in sustegnu de sas finalidades de custa lege.

IMPREU DE SA "J"

"J" s'impreat in su mesu de sa paràula. Es.: *màju* (non *màgiu*).

In sos nùmenes geogràficos s'impreat finas in su comintzu de sa paràula. Es.: *Jugoslàvia*

28 Agata sa forma giusta de custas paràulas in sardu e posca, pro cadauna, imbenta una frase:

1. rosso _____

2. raggio _____

3. matrimonio _____

4. moggio _____

5. agricoltore _____

6. un paio di _____

IMPREU DE SA “H”

“H” s’impreat cun c / g + e / i (chelu; chistionare; gherra; ghiare); a sa sola pro inditare sos ètaros (h 30) o s’oràriu (h 10:30). Non s’impreat in sas formas de su verbu àere.

29 Currege sos errores de custas frases:

1. No hapo mai lèghidu cussu libru.

2. A s’Assessora, bida l’has?

3. Hant iscritu chi retziant su pùblicu dae sas h 11:00 a sas h 14:00.

4. In charchi casu tochat de si chuntentare.

5. Mira no hapant isballiadu pàgina chatastale.

30 Borta in sardu custas frases:

1. Hanno fatto il possibile.

2. Non l’ho ancora detto a nessuno.

3. Il terreno accatastato misura 3 ettari.

4. Hai cercato la pratica Colussi?

5. La conferenza inizierà alle ore 17.

6. A chi posso rivolgermi?

IMPREU DE SA "Q"

"Q" non s'impreat in casu perunu; su sonu suo si marcat cun sa "c". Es.: *cuadru*.

31 Borta in sardu custas frases:

1. Ho fatto scaricare 22 quintali di legna.

2. Ho già riempito due quaderni di appunti.

3. Provvederò a calcolare l'aliquota.

4. Murru è il caposquadra: rivolgetevi a lui.

5. Non posso frequentare le lezioni.

6. Vi preghiamo di compilare il nostro questionario.

7. L'ho comprato dall'antiquario.

8. Questa cifra è l'equivalente di venti milioni di lire.

CUNSONANTES DÒPIAS

Si podent iscriere dòpias ebbia sas cunsonantes de sa frase LaNa SaRDa de BaBBu e de MaMMa. Podent addopiare ca tenent caràtere distintivu.

32 Issèbera sa forma giusta (sinna una rughe acanta de sa risposta giusta):

- 1

 a) fatu
b) fattu
- 2

 a) aministratzione
b) amministratzione
- 3

 a) legge
b) lege
- 4

 a) organizzare
b) organizzare
- 5

 a) occupatzione
b) ocupatzione
- 6

 a) littera
b) litera
- 7

 a) cumissione
b) cummissione
- 8

 a) atu
b) attu

33 In su documentu chi sighit sutalineas sas formas isballiadas:

Ispettàbile Amministratzione Comunale de Arasolè

ARGUMENTU: Dimanda de autorizatzione pro sa realizzatzione de sa Rassigna “Autores e Pitzinnos”, editzione 2012.

Su sutascrittu, in calidade de Presidente e rappresentante legale de s’assòtziu culturale “Le-ghimus!”, cun sede in sa carrera de Sardigna n. 64 in Arasolè, pedit a custa ispetàbile amministrazione s’autorizzatzione de realizzare sa rassigna “Autores e Pitzinos”, editzione 2012, chi s’at a fàghere in Arasolè su 30 de làmpadas de su 2012.

Torrende-bos gràtzias, leat s’occasione pro salutare cun respettu.

Arasolè, 10/10/2011

N.C.

SAS PARÀULAS FURISTERAS

Sas paràulas prestadas dae s'italianu cherent adatadas a sas règulas gràficas de sa LSC.

c + vocale, g + vocale = *ce > tze* (*cedere > tzèdere*), *ge > ge* (*gente > gente*); *ci > tzi* (*cittadino > tzitadinu*), *gi > gi* (*Parigi > Parigi*); *cia > zia* (*provincia > provìntzia*), *gia > gia* (*giacchetta > giacheta*); *cio > tzu* (*arancio > arantzu*), *gio > gio* (*giocare > giogare*); *ciu > tzu* (*ciuffo > tzufu*), *giu > giu* (*giustizia > giustìtzia*).

gli + vocale > lli + vocale (*maglia > màllia*); **gn + vocale > gn o nni** (*campagna > campagna o campànnia*). Su nùmene de s'ìsula sarda s'iscriet semper *Sardigna*.

34 Chirca sa forma giusta (sinna una rughe acanta de sa risposta giusta):

- | | | | | |
|-----|---------|---|---|--|
| 1. | (< ce) | ☐ a) cedimentu | ☐ b) tzedimentu | ☐ c) zedimentu |
| 2. | (< cio) | ☐ a) marzu | ☐ b) martzu | ☐ c) màrciu |
| 3. | (< giu) | ☐ a) giustìtzia | ☐ b) tzustìtzia | ☐ c) zustìtzia |
| 4. | (< cio) | ☐ a) bilànciu | ☐ b) bilanzu | ☐ c) bilàntziu |
| 5. | (< ge) | ☐ a) azente | ☐ b) agente | ☐ c) atzente |
| 6. | (< ce) | ☐ a) certificatzione | ☐ b) zertificatzione | ☐ c) tzertificatzione |
| 7. | (< giu) | ☐ a) giùighe | ☐ b) zùighe | ☐ c) tzùighe |
| 8. | (< giu) | ☐ a) tzunta | ☐ b) giunta | ☐ c) zunta |
| 9. | (< ce) | ☐ a) tzelebridade | ☐ b) celebridade | ☐ c) zelebridade |
| 10. | (< ci) | ☐ a) tzirculare | ☐ b) circolare | ☐ c) zirculare |

35 Borta in sardu custas paràulas italianas:

1. sociale _____
2. procedura _____
3. generatore _____
4. patrocinio _____
5. genetico _____
6. legislatura _____
7. civico _____
8. legittimare _____

36 Chirca sa forma o sas formas giustas (podent èssere duas in carchi casu) e sinna una rughe acanta de sa risposta giusta:

- | | | | |
|-------------|---|--|---|
| 1. (< glia) | ☐ a) parìllia | ☐ b) parìglia | ☐ c) parìlia |
| 2. (< gna) | ☐ a) cunsigna | ☐ b) cunsinna | ☐ c) cunsìnia |
| 3. (< glie) | ☐ a) bìglias | ☐ b) bìllias | ☐ c) bilias |
| 4. (< glie) | ☐ a) billetos | ☐ b) bilietos | ☐ c) biglietos |
| 5. (< gno) | ☐ a) malìnniu | ☐ b) malìniu | ☐ c) malignu |
| 6. (< gna) | ☐ a) antisinianu | ☐ b) antisinnianu | ☐ c) antisignanu |
| 7. (< glie) | ☐ a) manillias | ☐ b) manìglias | ☐ c) manìlias |
| 8. (< glia) | ☐ a) Castìllia | ☐ b) Castìlia | ☐ c) Castìglia |
| 9. (< gna) | ☐ a) Bretànnia | ☐ b) Bretània | ☐ c) Bretagna |
| 10. (< gna) | ☐ a) Burgònna | ☐ b) Burgogna | ☐ c) Burgònia |

37 Borta in sardu custas paràulas italianas:

1. imbrigliare _____
2. pagliaccio _____
3. spiraglio _____
4. segnale _____
5. ognuno _____
6. maglione _____
7. naviglio _____
8. impugnato _____

38 Chirca sa forma giusta (sinna una rughe acanta de sa risposta giusta):

- | | | | |
|-------------|---|--|--|
| 1. (< scie) | ☐ a) sientziadu | ☐ b) issientziadu | ☐ c) iscientziadu |
| 2. (< scia) | ☐ a) isciare | ☐ b) issiare | ☐ c) siare |
| 3. (< sce) | ☐ a) scenografia | ☐ b) iscenografia | ☐ c) issenografia |
| 4. (< scio) | ☐ a) sientificu | ☐ b) iscientificu | ☐ c) issientificu |
| 5. (< sce) | ☐ a) scènicu | ☐ b) issiènicu | ☐ c) iscènicu |
| 6. (< sce) | ☐ a) issienàriu | ☐ b) scenàriu | ☐ c) iscenàriu |

39 Borta in sardu custas paràulas italianas:

1. scenografico _____
2. sciatore _____
3. sciampista _____
4. ambasciatore _____
5. ambasciata _____

SOS CULTISMOS

B'at:

- **paràulas ‘patrimoniales’** o **‘ereditàrias’** (de orìgine popolare) chi ant tentu totu sas trasformatziones fonèticas chi connoschimus dae su latinu a su sardu. Es.: LINGUA (lat.) > limba (srd.);
- **tèrmines cultos**, est a nàrrere paràulas de cultura chi sunt intradas in su sardu a pustis chi sos protzessos de trasformatzione fonètica fiant giai finidos. LINGUA (lat.), linguistico (it.) > linguisticu (srd.) non *limbìsticu.

40 Intro de custu elencu issèbera sos cultismos dae sas paràulas patrimoniales: filiale – anticuàriu – ogru – sàmbene – consanguineu – figiu – oculista – limbudu – bilingue – antigu

paràulas patrimoniales		cultismos
a	f	
b	g	
c	h	
d	i	
e	l	

41 Individua sa forma giusta de custos cultismos (sinna una rughe acanta de sa risposta giusta):

1.	☐ a) acuàticu	☐ b) acquàticu	☐ c) abbàticu
2.	☐ a) abbilone	☐ b) acuilone	☐ c) aquilone
3.	☐ a) limbàgiu	☐ b) linguagiu	☐ c) linguàgiu
4.	☐ a) acquedotu	☐ b) acuedotu	☐ c) abbedotu
5.	☐ a) chistionàriu	☐ b) questionàriu	☐ c) cuestionàriu

NÙMERU E GÈNERE

In sa limba sarda su nùmeru podet èssere singulare o plurale e su gènere maschile o femminile.

42 In sardu bi sunt su maschile, su femminile e su nèutru (sinna una rughe in sa risposta giusta):

☐
☐

- a) beru
b) farsu

43 Totu sos faeddos chi acabant cun sa -e sunt maschiles (sinna una rughe in sa risposta giusta):

☐
☐

- a) beru
b) farsu

44 Totu sos faeddos chi acabant cun sa -e sunt feminiles (sinna una rughe in sa risposta giusta):

☐
☐

- a) beru
b) farsu

45 Totu sos faeddos chi acabant cun sa -a sunt feminiles (sinna una rughe in sa risposta giusta):

☐
☐

- a) beru
b) farsu

46 Comente resurtat su singolare colletivu? (sinna una rughe in sa risposta giusta):

☐
☐
☐

- a) su pische
b) sos pishes
c) unos pishes

47 Lunis est (sinna una rughe in sa risposta giusta):

☐
☐

- a) maschile
b) femminile

48 Chenàbura est (sinna una rughe in sa risposta giusta):

- ☐ a) maschile
- ☐ b) femminile
- ☐ c) ambos

49 “Sa patata” in sardu indicat (sinna una rughe in sa risposta giusta):

- ☐ a) una patata
- ☐ b) medas patatas
- ☐ c) ambos duos sos significos

50 Su faeddu sardu “dente” est (sinna una rughe in sa risposta giusta):

- ☐ a) maschile
- ☐ b) femminile
- ☐ c) ambos

51 In sardu non bi sunt faeddos chi acabant in –i (sinna una rughe in sa risposta giusta):

- ☐ a) beru
- ☐ b) farsu

52 In sardu non bi sunt faeddos chi acabant in –e (sinna una rughe in sa risposta giusta):

- ☐ a) beru
- ☐ b) farsu

53 In sardu sunt presentes siat sa forma maschile chi cussa femminile, es. sas àrbores / sos àrbores, sa domìniga / su domìnicu (sinna una rughe in sa risposta giusta):

- ☐ a) beru
- ☐ b) farsu

54 “Maridu/mugere” sunt maschile e femminile ca tenent (sinna una rughe in sa risposta giusta):

- ☐ a) desinènzias diferentes
- ☐ b) lessemas diferentes

55 Sas paràulas istràngias sighint sa morfologia de su sardu (es. tribù/tribùs) (sinna una rughe in sa risposta giusta):

- ☐ a) beru
☐ b) farsu

56 Su “sidis” est una paràula genèrica o astrata comente a sa “gana” (sinna una rughe in sa risposta giusta):

- ☐ a) beru
☐ b) farsu

57 Su sambenadu singulare leat su plurale inditende erèntzia (es. sos Lados) (sinna una rughe in sa risposta giusta):

- ☐ a) beru
☐ b) farsu

58 Prena sos puntinos cun sas desinèntzias chi mancant:

Tres fèmin..... fiant andend..... a s’ufitzi..... de sa Provìnt-
zi..... pro protocollar..... su document..... chi serbiat a s’iscri-
tzion..... de sos figi..... a s’iscol..... .

S'ARTÌCULU

S'artìculu determinativu serbit pro determinare su sustantivu indichende su gènere e su nùmeru. S'artìculu indeterminativu annanghet un'elementu nou in sa chistione sena peruna determinatzione.

59 In sardu b'at feti s'artìculu determinativu (sinna una rughe in sa risposta giusta):

- ☐ a) beru
- ☐ b) farsu

60 S'artìculu determinativu annanghet un'elementu nou in su discursu (sinna una rughe in sa risposta giusta):

- ☐ a) beru
- ☐ b) farsu

61 “Sos/sas” e “is” arribant dae un'allega diferente de su latinu e tenent impitu diferente (sinna una rughe in sa risposta giusta):

- ☐ a) beru
- ☐ b) farsu

62 In sardu si podet agatare sa forma (sinna una rughe in sa risposta giusta):

- ☐ a) sas fèminas
- ☐ b) is fèminas
- ☐ c) ambas duas

63 S'artìculu indeterminativu est impitadu fintzas a su plurale (sinna una rughe in sa risposta giusta):

- ☐ a) beru
- ☐ b) farsu

64 Cale est una forma de “cuncretzione” de s'artìculu (sinna una rughe in sa risposta giusta):

- ☐ a) Saligheresa
- ☐ b) S'aligheresa
- ☐ c) Sa ligheresa

65 Cale forma est prus curreta pro s'italianu "basilico" (sinna una rughe in sa risposta giusta)?

- ☐ a) sa fàbrica
- ☐ b) s'afàbrica
- ☐ c) safabrica

66 Prena sos puntos cun sos artículos indeterminativos:

..... die apo fatu deliberatzione chi faeddaiat de cantos problemas de sienda deimprendidore bolotanesu.

67 Prena sos puntos cun sos artículos determinativos:

..... prima borta chi l'apo atobiadu, teniat cara totu prena de puntos nieddos. dutore l'aiat naradu chi teniat frea africana e chi de-
piat torrare a si fàghere bisitare giòbia pro li dareretzeta noa.

68 S'artìculu determinativu no est imputadu in sos ditzos o maneras de nàrrere: (sinna una rughe in sa risposta giusta):

- ☐ a) beru
- ☐ b) farsu

69 Marca sos artículos indeterminativos:

Cun sa delìbera de oe sa Giunta at seberadu un'àndala noa in sos sèberos de sa Provìntzia. Una faina chi interessat unu muntone de gente e unos cantos entes de promotzione de su territòriu. Est unu praghère mannu a bos mustrare un'arrogheddu de custu traballu, mancari chi su prus l'amus a mustrare prus in antis.

70 Marca sos artículos determinativos:

Cun sa delìbera de oe sa Giunta at seberadu un'àndala noa in sos sèberos de sa Provìntzia. Una faina chi interessat unu muntone de gente e unos cantos entes de promotzione de su territòriu. Est unu praghère mannu a bos mustrare un'arrogheddu de custu traballu, mancari chi su prus l'amus a mustrare prus in antis.

S'AGETIVU

Serbit a mudare sa semàntica de su sustantivu, de su cale est una annanta, sighende su nùmeru e su gènere.

71 S'agetivu mudat su significu de su nùmene e (sinna una rughe in sa risposta giusta):

- ☐ a) li dat cantidade e determinatzione
- ☐ b) li dat calidade e determinatzione
- ☐ c) li dat calidade e cantidade

72 “Est forte cantu a mie” est (sinna una rughe in sa risposta giusta):

- ☐ a) cumparativu de ugualliantzia
- ☐ b) cumparativu de majoria
- ☐ c) cumparativu de minoria

73 “Est prus forte de mene” est (sinna una rughe in sa risposta giusta):

- ☐ a) cumparativu de ugualliantzia
- ☐ b) cumparativu de majoria
- ☐ c) cumparativu de minoria

74 “Mègiu e peus” sunt (sinna una rughe in sa risposta giusta):

- ☐ a) cumparativos sintéticos
- ☐ b) superlativos relativos
- ☐ c) cumparativos de majoria

75 “Sa prus bella de bidda” est (sinna una rughe in sa risposta giusta):

- ☐ a) cumparativu relativu
- ☐ b) superlativu relativu
- ☐ c) superlativu assolutu

76 Su faeddu “bete” s’acumpàngiat cun sos (sinna una rughe in sa risposta giusta):

- ☐ a) superlativos
- ☐ b) cumparativos
- ☐ c) ambos

77 Su faeddu “grandu” indicat (sinna una rughe in sa risposta giusta):

- ☐ a) mannària fisica
- ☐ b) mannària morale o sotziale
- ☐ c) no esistit in sardu

78 “Mannu mannu” est (sinna una rughe in sa risposta giusta):

- ☐ a) superlativu assolutu
- ☐ b) superlativu relativu
- ☐ c) cumparativu de majoria

79 “Pilicanu” est (sinna una rughe in sa risposta giusta):

- ☐ a) un’agetivu cumpostu
- ☐ b) un’agetivu ebbia
- ☐ c) un’agetivu de minoria

80 “Peggioru” torrat in sardu cun (sinna una rughe in sa risposta giusta):

- ☐ a) pejore
- ☐ b) peus
- ☐ c) mancu

81 Sa presentatzione de s’agetivu prus giusta est (sinna una rughe in sa risposta giusta):

- ☐ a) sa vetura mea
- ☐ b) sa mea vetura
- ☐ c) mea sa vetura

82 Su diminutivu si faghet cun su sufissu (sinna una rughe in sa risposta giusta):

- ☐ a) -one
- ☐ b) -eddu
- ☐ c) -ura

83 Su sufissu “-one” indicat (sinna una rughe in sa risposta giusta):

- ☐ a) minoria
- ☐ b) majoria
- ☐ c) ugualliantzia

84 Su sufissu “-itu” indicat (sinna una rughe in sa risposta giusta):

- ☐ a) minoria
- ☐ b) majoria
- ☐ c) ugualliantzia

85 “Minoreddeddu” indicat (sinna una rughe in sa risposta giusta):

- ☐ a) minoria
- ☐ b) majoria
- ☐ c) ugualliantzia

86 Su superlativu assolutu de “bellu” est (sinna una rughe in sa risposta giusta):

- ☐ a) Bellu meda
- ☐ b) Bellissimu
- ☐ c) Togu

87 “Una grandu pessone” est su matessi de “una pessone manna” (sinna una rughe in sa risposta giusta):

- ☐ a) beru
- ☐ b) farsu

88 “Una grande auto rossa” torrat in (sinna una rughe in sa risposta giusta):

- | | |
|--------------------------|--------------------------|
| ☐ | a) una vetura manna ruja |
| ☐ | b) una manna vetura ruja |
| ☐ | c) una ruja vetura manna |

89 “Mannu a beru” indicat (sinna una rughe in sa risposta giusta):

- | | |
|--------------------------|---------------------------|
| ☐ | a) superlativu assolutu |
| ☐ | b) cumparativu sintèticu |
| ☐ | c) cumparativu de majoria |

90 S’agetivu si podet cumparare cun un’àteru agetivu o sustantivu o pronùmene (sinna una rughe in sa risposta giusta):

- | | |
|--------------------------|----------|
| ☐ | a) beru |
| ☐ | b) farsu |

SOS PRONÙMENES

Su pronùmene est sa parte de su discursu chi ‘faghet sas funtziones de su nùmene’.

Podet èssere impreadu finas in càmbiu de un’agetivu (*Apo isperadu chi sa die esseret bona, imbetzes non lu est*); de unu verbu (*Pedru fiat imbriagu, e l’amus cumpresu luego*); de un’àteru pronùmene (*imbetzes de sa pinna mia impreo sa tua, chi est prus noa*); de una frase (*A in ue est andata Maria?* “Non l’isco”).

91 In cada frase sotalinea sos pronùmenes e indita cale parte de su discursu sostituit

Es.: Est isse chi non mi cheret.

Isse sostituit unu nùmene; “chi” sostituit su pronùmene “isse”

1. Ti creia antipàticu e imbetzes non lu ses.

2. Apo lassadu sa domo mia pro bìvere in sa sua.

3. S’aia ischidu in ue fiat Antoni, non ti l’aia pregontadu.

4. M’agradat a biagiare e lu fatzo a s’ispissu.

5. M’at telefonadu e l’apo agradèssidu meda.

6. Sas lìteras chi ses chirchende sunt in ufitziu.

7. Apo iscobertu sa trampa ma non nd’apo faeddadu cun nemos.

PRONÙMENES INDEFINIDOS, RELATIVOS E INTERROGATIVOS

Indefinidos: sunt cuantificadores chi però non dant inditos craros subra de sa cantidade (*ambos, cale si siat, calicunu, carchi, nemos, etz.*).

Relativos: in prus de sostituire una paràula, su pronùmene relativu ponet in relatzione duas propositziones, subordinende sa segunda a sa prima (*chi*).

Interrogativos: serbint pro fàghere una pregunta, direta o indireta, subra de sa calidade, de sa cantidade, de s'identidade de su nùmene mentovadu (*ite?, chie?, cale?, cantu?, etz.*).

92 In cada frase sutalinea sos pronùmenes e indita si sunt indefinidos, relativos o interrogativos. Sighi s'esempriu:

Es.: Calicunu preferit unu traballu chi impignet su mangianu ebbia.

Calicunu = indefinidu; chi = relativu

1. Carchi die proo a telefonare a Provintzia.

2. Chie at mutidu?

3. Chèrgio leare unu libru cale si siat.

4. Narat cosas chi no aia intesu mai.

5. Si non leat su postale pro Nùgoro, cale leat?

6. No agradat a nemos de isettare in foras.

93 Borta in sardu custas frases:

1. Non ti ha cercato nessuno.

2. Se non parti ora, quando?

3. Entrambi erano d'accordo con me.

4. Richiama quei clienti che ci hanno telefonato ieri.

5. Se non assumiamo lui, chi assumiamo?

6. Sono tutti bellissimi, comprane uno qualunque.

PRONÙMENES PERSONALES IN FUNTZIONE DE SUGETU

Sunt semper tònicos. Sunt ses (*deo, tue, issu/issa, nois, bois, issos/issas*) e s'impreant pro inditare nùmenes de pessones o de cosas. S'impreu de su pronùmene personale cun funtzione de sugetu est limitadu, ca sa forma verbale inditat in manera crara sa pessone pro mesu de sa desinèntzia.

94 Indita cando est indispensabile de esprimere su pronùmene personale sugetu

1. Fiat issu! ☐
2. Deo mi nch'ando: tue sighi-mi. ☐
3. Issos andant a sa cunferèntzia, issas nono. ☐
4. Bois impreade su postale pro andare a traballare. ☐
5. Semus iscioperende nois e issos ebbia. ☐
6. Finas tue ti ses arresu! ☐
7. Deo no apo galu agabbadu su libru. ☐
8. Tue mi das anneu. ☐
9. Nemmancu issa bi creet prus. ☐
10. Issa non bi creet prus. ☐

PRONÙMENES PERSONALES IN FUNTZIONE DE CUMPLEMENTU

Tònicos: Cun sas prepositziones DE/PRO, A, CUN: 1ª pess. sing. *me(ne)*, *mie*, *megus*; 2ª pess. sing. *te(ne)*, *tie*, *teguas*; 3ª pess. sing. *isse/issu/issa*, *isse/issu/issa*, *isse/issu/issa*; 1ª pess. plur. *nois*, *nois*, *nois*; 2ª pess. plur. *bois*, *bois*, *bois*; 3ª pess. plur. *issos/issas*, *issos/issas*, *issos/issas*.

Àtonos: proclíticos, in antis de su verbu (*Mi naras ite ora est?*); enclíticos, a pustis de su verbu (*Nara-mi totu*).

Sos àtonos podent tènnere funtzione de complementu ogetu o funtzione de complementu de tèrmine:

	Cumplementu ogetu	Cumplementu de tèrmine
1ª pessone singulare	<i>mi</i>	<i>mi</i> ('a me')
2ª pessone singulare	<i>ti</i>	<i>ti</i> ('a te')
3ª pessone singulare	<i>lu/ddu la/dda</i>	<i>li/ddi</i> ('a lui/lei')
1ª pessone plurale	<i>nos</i>	<i>nos</i> ('a noi')
2ª pessone plurale	<i>bos</i>	<i>bos</i> ('a voi')
3ª pessone plurale	<i>los/ddos las/ddas</i>	<i>lis/ddis</i> ('a loro')

95 In cada frase sutalinea sos pronùmenes e indita cales sunt sos tònicos (T), cales sos àtonos proclíticos (AP) e cales sos àtonos enclíticos (AE) (sinna una rughe in sa risposta giusta):

1. M'agradat meda su chi mi ses narende. T ☐ AP ☐ AE ☐
2. Traballat cun isse in s'ufitziu tècnicu. T ☐ AP ☐ AE ☐
3. Non bos potzo cuntatare in posta eletrònica. T ☐ AP ☐ AE ☐
4. Conta-mi sa beridade. T ☐ AP ☐ AE ☐
5. Andamus a nos leare unu caffè. T ☐ AP ☐ AE ☐
6. Prefèrgio a traballare cun tegus. T ☐ AP ☐ AE ☐
7. Pro issa seis sos iscolanos prus diligentes. T ☐ AP ☐ AE ☐
8. A mi lu naras cando arribat su pacu? T ☐ AP ☐ AE ☐
9. Cala-mi-nde su cavu, pro praghere. T ☐ AP ☐ AE ☐
10. Cola-mi su telèfonu. T ☐ AP ☐ AE ☐

PRONÙMENES PERSONALES RIFLESSIVOS

Cando s'atzione fata dae su sugetu 'torrat' subra de chie l'at fata tando est riflessiva.

Pro sa 1ª e sa 2ª pessone singulare e plurale s'impreant sos pronùmenes àtonos *mi, ti, nos, bos* (es.: *mi besto, ti bestis*, etz.). Pro sa 3ª pessone sing. e plur, imbetzes, esistit unu pronùmene riflessivu apòsitu, *si*, pro su maschile e pro su femminile. (es.: *Maria si bestit*).

96 Borta in sardu custas frases imprende in manera giusta sos pronùmenes personales riflessivos:

1. Il Presidente se n'è andato presto.

2. Domani mi sveglio alle otto.

3. Per il matrimonio mi pettino da sola.

4. Voglio procurarmi il suo numero di telefono.

5. Che male c'è ad alzarsi tardi la mattina?

6. Ogni volta che si lava consuma tutta l'acqua calda.

7. Come ti vestirai per la presentazione del suo libro?

PRONÙMENES POSSESSIVOS E DIMOSTRATIVOS

Possessivos: crarint su possessore de sa cosa chi benit mentovada (*meu/miu, tuo, suo, nostru, bostru, issoro*, etz.).

Dimostrativos: inditant sa positzione (in s'ispàtziu e in su tempus) de sa pessone o de sa cosa chi benit mentovada (*custu, cussu, cuddu*, etz.).

97 In cada frase sutalineas sos pronùmenes e indita si sunt possessivos o dimostrativos. Sighi s'esempru:

Es.: Pensa a su traballu tuo mègius chi no a su meu.

Meu = possessivu

1. Custu bancu est prus mannu e prus nou de cussu.

2. Est prus econòmicu custu preventivu o cuddu?

3. Sa vetura mia bufat prus chi non sa tua.

4. Non lees custa cadrea chi est segada: lea cussa.

5. De sos dialetos prefèrgio s'issoro.

6. Intre de totu sos progetos apo isseberadu su tuo.

SAS PROPOSITZIONES

Sa propositzione est sa parte elementare de su discursu de sensu cumpridu, est cumposta dae unu sugetu, dae unu predicadu e dae unos cantos complementos.

98 Sas propositziones intzidentales sunt postas pro su prus intre de vîrgulas (sinna una rughe in sa risposta giusta):

- ☐ a) Beru
- ☐ b) Farsu

99 «Tocat de bos nche andare» est (sinna una rughe in sa risposta giusta):

- ☐ a) una propositzione sugetiva
- ☐ b) una propositzione intzidentale
- ☐ c) una propositzione ogetiva

100 «Narat chi tue ses àbbile» est (sinna una rughe in sa risposta giusta):

- ☐ a) una propositzione intzidentale
- ☐ b) una propositzione ogetiva
- ☐ c) una propositzione cuntzessiva

101 «Ischia chi istaias male» est (sinna una rughe in sa risposta giusta):

- ☐ a) una propositzione ogetiva esplitzita
- ☐ b) una propositzione ogetiva implitzita
- ☐ c) una propositzione ogetiva sugetiva

102 «Penso de àere fatu sa cosa giusta» est (sinna una rughe in sa risposta giusta):

- ☐ a) una propositzione ogetiva sugetiva
- ☐ b) una propositzione ogetiva implitzita
- ☐ c) una propositzione ogetiva esplitzita

103 Cale intre de custas est una propositzione relativa (sinna una rughe in sa risposta giusta)?

- ☐ a) Apo intesu una cantzone chi non m'est pràghida
- ☐ b) Ischia chi fias benende
- ☐ c) Naraiat chi fiat bonu

104 Una proposizione interrogativa non dereta est (sinna una rughe in sa risposta giusta):

- ☐ a) Penso chi non t'apat dadu su chi ti tocat
- ☐ b) Apo bidu unu film chi est galanu
- ☐ c) A mi lu naras si ses arricu ?

105 «Chèrgio una delibera chi serbat a beru» est (sinna una rughe in sa risposta giusta):

- ☐ a) una proposizione cundizionale
- ☐ b) una proposizione cuntzessiva
- ☐ c) una proposizione relativa

106 «Cando biàgio in trenu non resesso a serrare sos ogros» est (sinna una rughe in sa risposta giusta):

- ☐ a) una proposizione temporale de posterioridade
- ☐ b) una proposizione temporale de cuntemporeneidade
- ☐ c) una proposizione temporale de anterioridade

107 «L'at fatu pro chi non ti nch'esseris andadu» est (sinna una rughe in sa risposta giusta):

- ☐ a) una proposizione temporale de posterioridade
- ☐ b) una propositzione causale
- ☐ c) una proposizione finale

108 «Apo istrisinadu ca bi fiat àstragu in terra» est (sinna una rughe in sa risposta giusta):

- ☐ a) una proposizione consecutiva
- ☐ b) una proposizione finale
- ☐ c) una proposizione causale

109 «Est gasi inchietu chi non si pasat nudda» est (sinna una rughe in sa risposta giusta):

- ☐ a) una proposizione causale
- ☐ b) una proposizione consecutiva
- ☐ c) una proposizione finale

110 «Si papat issu, non papamus nois» est (sinna una rughe in sa risposta giusta):

- ☐ a) una proposizione causale
- ☐ b) una proposizione casuale
- ☐ c) una proposizione cundizionale

111 «Mancari chi murrunget, torramus a s'ufitziu» est (sinna una rughe in sa risposta giusta):

- ☐ a) una propositzione cundizionale
- ☐ b) una propositzione cuntzessiva
- ☐ c) una propositzione causale

112 “Est mègius a serrare s'ufitziu” est (sinna una rughe in sa risposta giusta):

- ☐ a) una propositzione ogetiva
- ☐ b) una propositzione sugetiva
- ☐ c) una propositzione relativa

113 “Onni borta chi lu chirco in s'ufitziu, non b'est” est (sinna una rughe in sa risposta giusta):

- ☐ a) una propositzione modale
- ☐ b) una propositzione relativa
- ☐ c) una propositzione temporale

114 “Giuanne est prus capassu de Antoni traduende sas deliberas” est (sinna una rughe in sa risposta giusta):

- ☐ a) una propositzione cumparativa
- ☐ b) una propositzione ogetiva
- ☐ c) una propositzione sugetiva

115 “Cras retiro sos documentos, si no est chi andas tue” est (sinna una rughe in sa risposta giusta):

- ☐ a) una propositzione limitativa
- ☐ b) una propositzione etzetuativa
- ☐ c) una propositzione relativa

116 “Pro su chi isco deo, cussa delibera non balet” est (sinna una rughe in sa risposta giusta):

- ☐ a) una propositzione etzetuativa
- ☐ b) una propositzione limitativa
- ☐ c) una propositzione relativa

SA PREPOSITZIONE PRÒPIA

Si ponet in dae in antis de nùmenes, pronùmenes, avèrbios, verbos a s'infinidu, agetivos pro los collegare a àteros elementos de sa matessi frase o de àteras frases. Es.: *Apo comporadu su libru **pro** mi lu lèghere; sa domo **de** Maria; partit **dae** Casteddu.*

Sas prepositziones pròpias podent èssere simples (a, de, dae, in, cun, pro, intre, tra) o articuladas (de su, de sos/is, de sas, a su, a sos/is...)

117 Completa sas frases chi s'ghint cun sas prepositziones pròpias prus addatas

1. Cras depo partire _____ Tàtari _____ collega mea _____ leare parte _____ unu cursu _____ aggiornamentu.
2. Sa rassigna istampa _____ Radio 3 comintzat _____ sete e quartu.
3. S'ufitziu _____ sindigu est _____ primu pranu.
4. Oe apo traballadu _____ tres oras _____ impiantu fotovoltàicu _____ iscola.
5. Imbia-mi _____ posta eletrònica su verbale _____ Consìgiu.
6. Si sunt postos _____ chistionare _____ traballu issoro _____ istràngios.
7. Move-ti-nde ca depes èssere _____ domo _____ duas.
8. _____ cuntentare _____ sa mama nch'at fatu essire su gatu _____ sa carrera.
9. _____ sas duas e sas bator mi chèrgio pasare _____ tegus.
10. Cando ti nd'andas _____ inoghe ammenta-ti _____ ti collire sos duches.

SA PREPOSITZIONE IMPRÒPIA

Sas prepositziones impròpias sunt agetivos, avèrbios, partizípios impreados comente prepositziones (*suta, subra, a pustis, in antis, intro, a inghìriu...*).

Tenent valore averbiale cando non serbint a introduire àteros elementos. Es.: *B'apo a andare a pustis*.

Tenent valore de prepositzione cando introduint àteras paràulas. Es.: *B'apo a andare a pustis de su film*.

118 Distinghe sas prepositziones impròpias (PI) dae sos avèrbios (A):

- | | | |
|--|-----------------------------|----------------------------|
| 1. A inghìriu de sa domo b'at unu muntone de erba arta. | PI ☐ | A ☐ |
| 2. Non mi coles a curtzu. | PI ☐ | A ☐ |
| 3. Sa dotora est in intro. | PI ☐ | A ☐ |
| 4. Proa a pònnere unu libru a suta de su videoproietore. | PI ☐ | A ☐ |
| 5. M'at mutidu dae tesu. | PI ☐ | A ☐ |
| 6. Is cansa conca a s'Alighera. | PI ☐ | A ☐ |
| 7. Semus colende a presu de domo tua. | PI ☐ | A ☐ |
| 8. Lassa·lu a suta, su filu. | PI ☐ | A ☐ |
| 9. Non ti nch'imbuches a intro de cussa gruta. | PI ☐ | A ☐ |
| 10. Biddamanna no est a tesu meda dae Nùgoro. | PI ☐ | A ☐ |



CURRETZIONE DE SOS ESERTZÌTZIOS



CURRETZIONE DE SOS ESERTZÌTZIOS

- ESERTZÌTZIU 1:**
- 1.1:** Sa risposta giusta est sa “a” (paghe)
 - 1.2:** Sa risposta giusta est sa “c” (lavras)
 - 1.3:** Sa risposta giusta est sa “a” (maju)
 - 1.4:** Sa risposta giusta est sa “b” (còrgiu)
 - 1.5:** Sa risposta giusta est sa “c” (àrbore)

- ESERTZÌTZIU 2**
- 2.a:** BOE
 - 2.b:** FRORE
 - 2.c:** CRARU
 - 2.d:** NIE
 - 2.e:** NUE
 - 2.f:** OGRU
 - 2.g:** ORIGRA

- ESERTZÌTZIU 3**
- 3.1:** Sa risposta giusta est sa “a” (buca)
 - 3.2:** Sa risposta giusta est sa “b” (domo)
 - 3.3:** Sa risposta giusta est sa “a” (ses bella)
 - 3.4:** Sa risposta giusta est sa “b” (corpus)
 - 3.5:** Sa risposta giusta est sa “b” (Santa Bàrbara)
 - 3.6:** Sa risposta giusta est sa “c” (bator)
 - 3.7:** Sa risposta giusta est sa “c” (bidda)

- ESERTZÌTZIU 4**
- Su testu curretu est su chi sighit:
- Pro totu sos chi ant partetzipadu a su Seminàriu intercomunale de autoformazione in limba sarda fatu in sa bidda de Montresta dae su 26 a su 27 de santugaine de su 2007 e denumenadu “Duas dies pro sa limba”.
- Amigos istimados,
- Bos pedimus, pro praghene, de cumpilare custu cuestionàriu chi pertocat sas atividades fatas in custas dies. Su cuestionàriu est anònimu e diat èssere de utilidade manna pro sas atividades chi amus a ammaniare in su tempus benidore.
- Bos torramus gràtzias.

- ESERTZÌTZIU 5**
- 5.1:** Sa risposta giusta est sa “a” (porcu)
 - 5.2:** Sa risposta giusta est sa “b” (colovra)
 - 5.3:** Sa risposta giusta est sa “b” (surdu)
 - 5.4:** Sa risposta giusta est sa “a” (bidru)
 - 5.5:** Sa risposta giusta est sa “a” (durche)
 - 5.6:** Sa risposta giusta est sa “a” (agru)

ESERTZÌTZIU 6 6.a: PURPA
6.b: TORTU
6.c: FARCHE
6.d: SOGRU

ESERTZÌTZIU 7 7.1: Sa risposta giusta est sa “b” (fèmina)
7.2: Sa risposta giusta est sa “b” (lughe)
7.3: Sa risposta giusta est sa “a” (dinari)
7.4: Sa risposta giusta est sa “a” (delibera)
7.5: Sa risposta giusta est sa “b” (documentu)
7.6: Sa risposta giusta est sa “b” (ufitziu)

ESERTZÌTZIU 8 Su testu curretu est su chi sighit:
“Normas in matèria de tutela de sas minorias linguísticas istòricas” publicada in sa Gazeta Ufiziàle n. 297 de su 20 de Nadale 1999
Art. 1.
1. Sa limba ufiziale de sa Repùblica est s’italianu.
2. Sa Repùblica, chi valorizat su patrimoniu linguisticu e culturale de sa limba italiana, promovet finas sa valorizatzione de sas limbas e de sas culturas tuteladas dae custa lege.
Art. 2.
1. In atuatzione de s’articulu 6 de sa Costituzione e in armonia cun sos printzìpios generales istabilidos dae sos organismos europeos e internatzionales, sa Repùblica tutelat sa limba e sa cultura de sas populatziones albanesas, catalanas, germànicas, grecas, islovenas e croatas e de cussas chi faeddant in frantzesu, francu-proventzale, friulanu, ladinu, otzitanu e sardu.

ESERTZÌTZIU 9 9.a: NARA'MI'LU
9.b: GIUGHE'MI'LU
9.c: GIUGHE'LA
9.d: PONE'LA
9.e: CRAMA'MI
9.f: LEA'TI
9.g: NARA'MI
9.h: ABERI'TI
9.i: SALUDA'MI
9.l: CÒMPORA'MI

ESERTZÌTZIU 10 10.a: NARABI'LU
10.b: GIUGHE'MI
10.c: PREGONTA'LU
10.d: NARA'MI
10.e: DAE'BI'LU
10.f: PINNIGA'TI'NDE, BAE'TI'NCHE
10.g: ISTUDA'NDE
10.h: COLLIDE'BOS
10.i: COLA'MI
10.l: PIGA'MI

- ESERTZÌTZIU 11** 11.a: NCHE
11.b: NDE
11.c: NDE
11.d: NCH'
11.e: NCH'
11.f: ND'

- ESERTZÌTZIU 12** Esempros:
12.a: Apo acabadu su dinari. A mi nde prestas?
12.b: Non mi nd'at chertu faeddare.
12.c: A mi lu mandas su còdighe iban tuo cun sa posta?

- ESERTZÌTZIU 13** Esempros:
13.1: Apo comporadu bator arantzos e duos chilos de tzùcaru
13.2: S'imposta pro su rèdditu de sas pessones fìsicas la divent pagare totus
13.3: Sas amministraziones podent isseberare sas modalidades de pagamentu
13.4: Imbia sa tzìrculare a sos ufìtzios pro lis dare istrutzione
13.5: Issos non tenent deretu de rèvoca
13.6: No apo tentu su tempus de ti mutire pro ti dare crarimentos
13.7: Sos operadores ant a retzire sos utentes lunis e martis dae sas 9 a sas 11
13.8: Sas iscolas aberint su 15 de cabudanni

- ESERTZÌTZIU 14** 14.1: Non mi paret nen bellu nen ricu
14.2: Custu isportellu no aberit ne oe nen chenàbura
14.3: Non bos podet finantziare nen su Comune nen sa Provìntzia
14.4: Nen Casteddu ne Aristanis ant firmadu su protocollu de intesa
14.5: Unu terrinu gravadu dae usu tzìvicu non lu podent nen bèndere nen dare in ereditade

- ESERTZÌTZIU 15** Esempros:
15.1: Su Sindigu non retzit ne in martis ne in sàbadu
15.2: Non m'ant cuntatadu ne in su telèfono ne in posta
15.3: No apo nen mandigadu nen bufadu
15.4: Custu acordu no est ne onestu nen cumbeniente
15.5: S'assistente no at a èssere disponìbile ne oe nen cras

- ESERTZÌTZIU 16** 16.a: No impreare documentos cun cantzellina frisca
16.b: No impreare documentos cun pinnigas
16.c: Non cracare s'alimentadore automàticu de sos originales
16.d: No lu lassare allumadu pro tempus meda

- ESERTZÌTZIU 17**
- 17.1:** Est immòbile totu su chi non si podet tramudare in manera fisica
 - 17.2:** Unu deretu ruet in prescrizione cando no est esertzitadu pro unu cantu de tempus istabilidu dae sa lege
 - 17.3:** S'Istadu podet acordare assistèntzia legale a chie no est a tretu de afrontare ispesas prozessuales
 - 17.4:** Chie tenet sa proprietade nuda de unu bene non nde podet dispònnere ca su deretu de usufrutu apartenet a un'àteru sugetu
 - 17.5:** Cando su sindigu emitit un'ordinàntzia, tocat de l'atuare, pragat o nono
 - 17.6:** Non podes traballare in su settore pùblicu si no as passadu unu cuncursu
 - 17.7:** S'ingiuntzione de su Tribunale no ammitit obietziones
 - 17.8:** In Italia est minorennu cada pessone chi no apat 18 annos de edade
 - 17.9:** Si una lege no l'ant aprovada, su Presidente no la podet promulgare
 - 17.10:** Un'atu est illegìtimu cando no est cunforme a sa lege

- ESERTZÌTZIU 18**
- 18.1:** Sa risposta giusta est sa "b" (Comente as fatu?)
 - 18.2:** Sa risposta giusta est sa "a" (S'amministradore)
 - 18.3:** Sa risposta giusta est sa "a" (S'impresa)
 - 18.4:** Sa risposta giusta est sa "b" (Un'ostàculu)
 - 18.5:** Sa risposta giusta est sa "a" (Un'ente)
 - 18.6:** Sa risposta giusta est sa "b" (Un'asta pùblica)

- ESERTZÌTZIU 19** Su testu curretu est su chi sighit:
- Assessoradu a sa Cultura
 Ufitziu de sa Limba Sarda
 A su Sindigu de su Comune
- ARGUMENTU: Adòbiu de presentada de s'isportellu linguisticu.
- Cun sa litera presente bos informamus chi s'Ufitziu nostru est promovende adòbbios de presentada in sas biddas de sa provìntzia ch'ant retzidu su finantziamentu de sa L. 482/99 pro s'abertura de un'isportellu linguisticu locale de limba sarda. Bos pedimus sa disponibilidade a fàghere in sa bidda bostra s'adòbiu chi benit, su 16 de Nadale, cumpatibilmente cun sos impignos bostros. Nos diat agradare meda chi s'Amministrazione bostra esseret presente, mescamente in sa pessone de su Sindigu.
- S'Assessore a sa Cultura
 Su Direttore de s'Ufitziu

- ESERTZÌTZIU 20**
- 20.1:** Sa risposta giusta est sa "a" (faghent)
 - 20.2:** Sa risposta giusta est sa "c" (est)
 - 20.3:** Sa risposta giusta est sa "c" (pùblicant)
 - 20.4:** Sa risposta giusta est sa "a" (tenet)
 - 20.5:** Sa risposta giusta est sa "a" (ant)
 - 20.6:** Sa risposta giusta est sa "c" (aberrant)

- ESERTZÌTZIU 21** Esempros:
- 21.1:** In antis de fraigare abitatzones noas tocat de fraigare òperas de urbanizatzione primària
 - 21.2:** No isco si apant giai publicadu sos resurtados
 - 21.3:** Non m'agradat chi mi controlles sa posta eletrònica
 - 21.4:** Su telèfonu de s'ufitziu tuo at iscuilladu totu su mangianu
 - 21.5:** Mi pariat giustu de bos nàrrere chi teniat resone issu

ESERTZÌTZIU 22 22.a: Apo bidu a su sindigu e l'apo informadu de sa cunferèntzia
 22.b: Apo iscritu una litera de acumpangiamentu
 22.c: Apo atopadu a s'assessore regionale
 22.d: Non creo de pòdere acumpangiare a Mariu
 22.e: No apo bidu a niunu
 22.f: Piga su telèfonu e crama a su responsàbile
 22.g: Apo bidu su fasciculu chi fias chircende
 22.h: No apo agatadu sa delibera
 22.i: Non mi resurtat de àere fatu cussa decraratzione
 22.l: Creo de àere bidu sa vettura de s'ingegneri

ESERTZÌTZIU 23 Esempros:
 23.1: Crama a s'assessore e passa'mi'lu
 23.2: Benende a traballare apo adobiadu a Luca
 23.3: No apo bidu su fax chi m'at imbiadu
 23.4: Depo bidere deretu cussa relatzione

ESERTZÌTZIU 24 24.1: Sa risposta giusta est sa "b" (in unu minutu)
 24.2: Sa risposta giusta est sa "a" (cun un'àtera)
 24.3: Sa risposta giusta est sa "a" (a ogni unu)
 24.4: Sa risposta giusta est sa "c" (in ogni modu)

ESERTZÌTZIU 25 Esempros:
 25.1: Su cuestionàriu pro su tzensimentu at a arribare a onni domo
 25.2: A onni modu tocat de chircare de abarrare calmos
 25.3: Paris cun onni cartella bos amus a dare una pinna
 25.4: Est prontu in unu momentu

ESERTZÌTZIU 26 26.a: TZÙCARU (/z/ tosta)
 26.b: INDENNIZU (/z/ lena)
 26.c: UFITZIALE GIUDITZIÀRIU (/z/ tosta)
 26.d: AUTORIZARE (/z/ lena)
 26.e: PRIVATIZADU (/z/ lena)
 26.f: SOTZIEDADE (/z/ tosta)
 26.g: RELATZIONE (/z/ tosta)
 26.h: BETZU (/z/ tosta)
 26.i: PITZOCU (/z/ tosta)
 26.l: ATZESSU (/z/ tosta)

ESERTZÌTZIU 27 Su testu curretu est su chi sighit:
 In cunforma a sos articulos 6 e 8 de sa lege 19 de santandria de su 1990, n. 341, sas universi-
 dades de sas regiones interessadas, in s'àmbitu de s'autonomia issoro e de sos istantziamentos
 ordinàrios de bilàntziu, leant ogni iniziativa, inclùdida s'istitutzione de cursos de limba e de
 cultura de sas limbas prevididas in s'articulu 2, finalizada a fatzilitare sa chirca iscientifica e sas
 atividades culturales e formativas in sustegnu de sas finalidades de custa lege.

ESERTZÌTZIU 28 Esempros:
28.1: RUJU (Esempru: Non depias colare: su semàforu fiat ruju)
28.2: RAJU (Esempru: Unu raju de sole est intrende dae sas persianas)
28.3: COJA (Esempru: Pro sa coja tua fiamus in dughentos)
28.4: MOJU (Esempru: Su moju est una unidade de misura)
28.5: MASSAJU (Esempru: Sa prus parte in bidda fiant massajos, chentu annos a como)
28.6: PAJA (Esempru: At giai visionadu una paja de preventivos)

ESERTZÌTZIU 29 Si evidèntziant sos errores:
29.1: No **hapo** (apo) mai lèghidu cussu libru
29.2: A s'Assessora, bida l'**has** (as)?
29.3: **Hant** (ant) iscritu chi retziant su pùblicu dae sas h 11:00 a sas h 14:00
29.4: In charchi casu **tochat** (tocat) de si **chuntentare** (cuntentare)
29.5: Mira no **hapant** (apant) isballiadu pàgina **chatastale** (catastale)

ESERTZÌTZIU 30 **30.1:** Ant fatu su possibile
30.2: Non l'apo galu naradu a niunu
30.3: Su terrinu acatastadu mesurat 3 h
30.4: Sa pràtica Colussi, chircada l'as?
30.5: Sa cunferèntzia at a comintzare a sas chimbe de sero
30.6: A chie potzo pregontare?

ESERTZÌTZIU 31 **31.1:** Apo fatu iscarrigare 22 cuintales de linna
31.2: Apo giai prenu duos cuadernos de apuntos
31.3: Apo a calculare s'aliquota
31.4: Murru est su capu-iscuadra: faeddade cun issu
31.5: Non potzo frequentare sas letziones
31.6: Bos pregamus de cumpilare su cuestionàriu nostru
31.7: L'apo comporadu dae s'anticuàriu
31.8: Custa tzifra est s'ecuivalente de binti milliones de francos

ESERTZÌTZIU 32 **32.1:** Sa risposta giusta est sa "**a**" (fatu)
32.2: Sa risposta giusta est sa "**b**" (amministratzione)
32.3: Sa risposta giusta est sa "**b**" (lege)
32.4: Sa risposta giusta est sa "**a**" (organizare)
32.5: Sa risposta giusta est sa "**b**" (ocupatzione)
32.6: Sa risposta giusta est sa "**b**" (litera)
32.7: Sa risposta giusta est sa "**b**" (cummissione)
32.8: Sa risposta giusta est sa "**a**" (atu)

ESERTZÌTZIU 33 Su testu curretu est su chi sighit:
 Ispetabile Amministratzione Comunale de Arasolè
 ARGUMENTU: Dimanda de autorizatzione pro sa realizatzione de sa Rassigna “Autores e Pitzinnos”, editzione 2012.
 Su sutascritu, in calidade de Presidente e rapresentante legale de s’assòtziu culturale “Leghimus!”, cun sede in sa carrera de Sardigna n. 64 in Arasolè, pedit a custa ispetabile amministrazione s’autorizatzione de realizzare sa rassigna “Autores e Pitzinnos”, editzione 2012, chi s’at a fàghere in Arasolè su 30 de làmpadas de su 2012.
 Torrende’bos gràtzias, leat s’occasione pro salutare cun respetu,
 Arasolè, 10/10/2011 N.C.

ESERTZÌTZIU 34 34.1: Sa risposta giusta est sa “b” (tzedimentu)
 34.2: Sa risposta giusta est sa “b” (martzu)
 34.3: Sa risposta giusta est sa “a” (giustìtzia)
 34.4: Sa risposta giusta est sa “c” (bilàntziu)
 34.5: Sa risposta giusta est sa “b” (agente)
 34.6: Sa risposta giusta est sa “c” (tzerificatzione)
 34.7: Sa risposta giusta est sa “a” (giùighe)
 34.8: Sa risposta giusta est sa “b” (giunta)
 34.9: Sa risposta giusta est sa “a” (tzelebridade)
 34.10: Sa risposta giusta est sa “a” (tzirculare)

ESERTZÌTZIU 35 35.1: SOTZIALE
 35.2: PROTZEDURA
 35.3: GENERADORE
 35.4: PATROTZÌNIU
 35.5: GENÈTICU
 35.6: LEGISLADURA
 35.7: TZIVÌCU
 35.8: LEGITIMARE

ESERTZÌTZIU 36 36.1: Sa risposta giusta est sa “a” (parìllia)
 36.2: Sas risposte giustas sunt sa “a” e sa “b” (cunsigna e cunsinna)
 36.3: Sa risposta giusta est sa “b” (billias)
 36.4: Sa risposta giusta est sa “a” (billetos)
 36.5: Sas risposte giustas sunt sa “a” e sa “c” (malinnu e malignu)
 36.6: Sas risposte giustas sunt sa “b” e sa “c” (antisinnianu e antisignanu)
 36.7: Sa risposta giusta est sa “a” (manillias)
 36.8: Sa risposta giusta est sa “a” (Castìllia)
 36.9: Sas risposte giustas sunt sa “a” e sa “c” (Bretànnia e Bretagna)
 36.10: Sas risposte giustas sunt sa “a” e sa “b” (Burgònnia e Burgogna)

- ESERTZÌTZIU 37** 37.1: IMBRILLIARE
 37.2: PALLIATZU
 37.3: ISPIRÀLLIU
 37.4: SEGNALE / SINNALE
 37.5: OGNUMU / ONNIUNU
 37.6: MALLIONE
 37.7: NAVILLIU
 37.8: IMPUGNADU / IMPUNNIADU
- ESERTZÌTZIU 38** 38.1: Sa risposta giusta est sa “c” (iscientiadu)
 38.2: Sa risposta giusta est sa “a” (isciare)
 38.3: Sa risposta giusta est sa “b” (iscenografia)
 38.4: Sa risposta giusta est sa “b” (iscientificu)
 38.5: Sa risposta giusta est sa “c” (iscènicu)
 38.6: Sa risposta giusta est sa “c” (iscenàriu)
- ESERTZÌTZIU 39** 39.1: ISCENOGRÀFICU
 39.2: ISCIADORE
 39.3: ISCIAMPISTA
 39.4: AMBASCIADORE
 39.5: AMBASCIADA
- ESERTZÌTZIU 40** Paràulas patrimoniales: ogru, sàmbene, figiu, limbudu, antigu
 Cultismos: filiale, consanguineu, anticuàriu, oculista, bilingue
- ESERTZÌTZIU 41** 41.1: Sa risposta giusta est sa “a” (acuàticu)
 41.2: Sa risposta giusta est sa “b” (acuilone)
 41.3: Sa risposta giusta est sa “a” (limbàgiu)
 41.4: Sa risposta giusta est sa “b” (acuedotu)
 41.5: Sa risposta giusta est sa “c” (cuestionàriu)
- ESERTZÌTZIU 42** Sa risposta giusta est sa “b”
- ESERTZÌTZIU 43** Sa risposta giusta est sa “b”
- ESERTZÌTZIU 44** Sa risposta giusta est sa “b”
- ESERTZÌTZIU 45** Sa risposta giusta est sa “b”
- ESERTZÌTZIU 46** Sa risposta giusta est sa “a”
- ESERTZÌTZIU 47** Sa risposta giusta est sa “a”
- ESERTZÌTZIU 48** Sa risposta giusta est sa “b”
- ESERTZÌTZIU 49** Sa risposta giusta est sa “c”
- ESERTZÌTZIU 50** Sa risposta giusta est sa “b”

- ESERTZÌTZIU 51** Sa risposta giusta est sa “b”
- ESERTZÌTZIU 52** Sa risposta giusta est sa “b”
- ESERTZÌTZIU 53** Sa risposta giusta est sa “a”
- ESERTZÌTZIU 54** Sa risposta giusta est sa “b”
- ESERTZÌTZIU 55** Sa risposta giusta est sa “a”
- ESERTZÌTZIU 56** Sa risposta giusta est sa “a”
- ESERTZÌTZIU 57** Sa risposta giusta est sa “a”
- ESERTZÌTZIU 58** Tres fèminas fiant andende a s’ufitziu de sa Provìntzia pro protocollare su documentu chi serbiat a s’iscrizione de sos figios a s’iscola.
- ESERTZÌTZIU 59** Sa risposta giusta est sa “b”
- ESERTZÌTZIU 60** Sa risposta giusta est sa “b”
- ESERTZÌTZIU 61** Sa risposta giusta est sa “b”
- ESERTZÌTZIU 62** Sa risposta giusta est sa “c”
- ESERTZÌTZIU 63** Sa risposta giusta est sa “a”
- ESERTZÌTZIU 64** Sa risposta giusta est sa “a”
- ESERTZÌTZIU 65** Sa risposta giusta est sa “b”
- ESERTZÌTZIU 66** UNA die apo fatu UNA deliberatzione chi faeddaiat de UNOS cantos problemas de UNA sienda de UNU imprendidore bolotanesu.
- ESERTZÌTZIU 67** SA prima borta chi l’apo atobiadu, teniat SA cara totu prena de puntos nieddos. SU dutore l’aiat naradu chi teniat SA frea africana e chi depiat torrare a si fàghere bisitare SA giòbia pro li dare SA retzeta noa.
- ESERTZÌTZIU 68** Sa risposta giusta est sa “b”
- ESERTZÌTZIU 69** Cun sa delibera de oe sa Giunta at seberadu **un**’àndala noa in sos sèberos de sa Provìntzia. **Una** faina chi interessat **unu** muntone de gente e **unos** cantos entes de promotzione de su territòriu. Est **unu** praghene mannu a bos mustrare **un**’arrogheddu de custu traballu, mancari chi su prus l’amus a mustrare prus in antis.

ESERTZÌTZIU 70 Cun **sa** delibera de oe **sa** Giunta at seberadu un'àndala noa in **sos** sèberos de **sa** Provintzia. Una faina chi interessat unu muntone de gente e unos cantos entes de promotzione de **su** territòriu. Est unu praghene mannu a bos mustrare un'arroggeddu de custu traballu, mancari chi **su** prus l'amus a mustrare prus in antis.

ESERTZÌTZIU 71 Sa risposta giusta est sa “b”

ESERTZÌTZIU 72 Sa risposta giusta est sa “a”

ESERTZÌTZIU 73 Sa risposta giusta est sa “b”

ESERTZÌTZIU 74 Sa risposta giusta est sa “a”

ESERTZÌTZIU 75 Sa risposta giusta est sa “a”

ESERTZÌTZIU 76 Sa risposta giusta est sa “a”

ESERTZÌTZIU 77 Sa risposta giusta est sa “b”

ESERTZÌTZIU 78 Sa risposta giusta est sa “a”

ESERTZÌTZIU 79 Sa risposta giusta est sa “a”

ESERTZÌTZIU 80 Sa risposta giusta est sa “b”

ESERTZÌTZIU 81 Sa risposta giusta est sa “a”

ESERTZÌTZIU 82 Sa risposta giusta est sa “b”

ESERTZÌTZIU 83 Sa risposta giusta est sa “b”

ESERTZÌTZIU 84 Sa risposta giusta est sa “a”

ESERTZÌTZIU 85 Sa risposta giusta est sa “a”

ESERTZÌTZIU 86 Sa risposta giusta est sa “a”

ESERTZÌTZIU 87 Sa risposta giusta est sa “b”

ESERTZÌTZIU 88 Sa risposta giusta est sa “a”

ESERTZÌTZIU 89 Sa risposta giusta est sa “a”

ESERTZÌTZIU 90 Sa risposta giusta est sa “a”

ESERTZÌTZIU 91 91.1: Ti creia antipàticu e imbetzes non lu ses (“lu” sostituit s’agetivu “antipàticu”)
 91.2: Apo lassadu sa domo mia pro bìvere in sa sua (“sua” sostituit su nùmene “domo”)
 91.3: Si aia ischidu in ue fiat Antoni non ti l’aia pregontadu (“l” sostituit sa frase “in ue fiat An-toni”)
 91.4: M’agradat a biagiare e lu fatzo a s’ispissu (“lu” sostituit su verbu “biagiare”)
 91.5: M’at telefonadu e l’apo agradèssidu meda (“l” sostituit sa frase “m’at telefonadu”)
 91.6: Sas literas chi ses chircende sunt in ufitziu (“chi” sostituit su nùmene “literas”)
 91.7: Apo iscobertu sa trampa ma non nd’apo faeddadu cun nemos (“nd” sostituit sa frase “apo iscobertu sa trampa”)

ESERTZÌTZIU 92 92.1: Carchi die proo a telefonare a Provìntzia (“carchi” est pronùmene indefinidu)
 92.2: Chie at mutidu? (“chie” est pronùmene interrogativu)
 92.3: Chèrgio leare unu libru cale si siat (“cale si siat” est pronùmene indefinidu)
 92.4: Narat cosas chi no aia intesu mai (“chi” est pronùmene relativu)
 92.5: Si non leat su postale pro Nùgoro, cale leat? (“cale” est pronùmene interrogativu)
 92.6: No agradat a nemos de isetare in foras (“nemos” est pronùmene indefinidu)

ESERTZÌTZIU 93 93.1: Non t’at chircadu niunu
 93.2: Si non partis como, cando?
 93.3: Ambos fiant de acordu cun megus
 93.4: Muti torra a cussos clientes chi nos ant chircadu eris
 93.5: Si no assumimus a issu, a chie assumimus?
 93.6: Sunt totus bellos meda, lea’nde unu cale si siat

ESERTZÌTZIU 94 94.1: Fiat issu! (EST INDISPENSÀBILE)
 94.2: Deo mi nch’ando: tue sighi’mi (NO EST INDISPENSÀBILE)
 94.3: Issos andant a sa cunferèntzia, issas nono (EST INDISPENSÀBILE)
 94.4: Bois impreade su postale pro andare a traballare (NO EST INDISPENSÀBILE)
 94.5: Semus iscioperende ebbia nois e issos (EST INDISPENSÀBILE)
 94.6: Finas tue ti ses arresu! (EST INDISPENSÀBILE)
 94.7: Deo no apo galu agabbadu su libru (NO EST INDISPENSÀBILE)
 94.8: Tue mi das anneu (NO EST INDISPENSÀBILE)
 94.9: Nemmanco issa bi creet prus (EST INDISPENSÀBILE)
 94.10: Issa non bi creet prus (NO EST INDISPENSÀBILE)

ESERTZÌTZIU 95 95.1: M’agradat meda su chi mi ses narende (AP)
 95.2: Traballat cun isse in s’ufitziu tècnicu (T)
 95.3: Non bos potzo cuntatare in posta eletrònica (AP)
 95.4: Conta’mi sa beridade (AE)
 95.5: Andamus a nos leare unu cafè (AP)
 95.6: Prefèrgio a traballare cun tegus (T)
 95.7: Pro issa seis sos iscolanos prus diligentes (T)
 95.8: A mi lu naras cando arribat su pacu? (AP)
 95.9: Cala’mi’nde su cavu, pro praghene (AE)
 95.10: Cola’mi su telefono (AE)

- ESERTZÌTZIU 96** 96.1: Su Presidente si nch'est andadu chitzo
 96.2: Cras mi nd'ischido a sas oto
 96.3: Pro sa coja mi pèteno a sa sola
 96.4: Mi chèrgio chircare su nùmeru de telèfono suo
 96.5: Ite male b'at a si nde pesare a tardu a mangianu?
 96.6: Cada borta chi si sàbunat finit totu s'abba callente
 96.7: Comente t'as a bestire pro sa presentada de su libru suo?
- ESERTZÌTZIU 97** 97.1: Custu bancu est prus mannu e prus nou de cussu (cussu est pronùmene dimostrativu)
 97.2: Est prus econòmicu custu preventivu o cuddu? (cuddu est pronùmene dimostrativu)
 97.3: Sa vetura mia bufat prus chi non sa tua (tua est pronùmene possessivu)
 97.4: Non lees custa cadrea chi est segada: lea cussa (cussa est pronùmene dimostrativu)
 97.5: De sos dialetos prefèrgio s'issoro (issoro est pronùmene possessivu)
 97.6: Intre de totu sos progetos apo isseberadu su tuo (tuo est pronùmene possessivu)
- ESERTZÌTZIU 98** Sa risposta giusta est sa "a"
- ESERTZÌTZIU 99** Sa risposta giusta est sa "a"
- ESERTZÌTZIU 100** Sa risposta giusta est sa "b"
- ESERTZÌTZIU 101** Sa risposta giusta est sa "a"
- ESERTZÌTZIU 102** Sa risposta giusta est sa "b"
- ESERTZÌTZIU 103** Sa risposta giusta est sa "a"
- ESERTZÌTZIU 104** Sa risposta giusta est sa "a"
- ESERTZÌTZIU 105** Sa risposta giusta est sa "c"
- ESERTZÌTZIU 106** Sa risposta giusta est sa "b"
- ESERTZÌTZIU 107** Sa risposta giusta est sa "c"
- ESERTZÌTZIU 108** Sa risposta giusta est sa "c"
- ESERTZÌTZIU 109** Sa risposta giusta est sa "b"
- ESERTZÌTZIU 110** Sa risposta giusta est sa "c"
- ESERTZÌTZIU 111** Sa risposta giusta est sa "b"
- ESERTZÌTZIU 112** Sa risposta giusta est sa "b"
- ESERTZÌTZIU 113** Sa risposta giusta est sa "c"
- ESERTZÌTZIU 114** Sa risposta giusta est sa "a"

ESERTZÌTZIU 115 Sa risposta giusta est sa “b”

ESERTZÌTZIU 116 Sa risposta giusta est sa “b”

ESERTZÌTZIU 117 **117.1:** Cras devo partire a Tàtari cun una collega mea pro leare parte a unu cursu de agiornamentu

117.2: Sa rassigna istampa de Radio 3 comintzat a sas sete e quartu

117.3: S’ufitziu de su sindigu est a su primu pranu

117.4: Oe apo traballadu pro tres oras a s’impiantu fotovoltàicu de s’iscola

117.5: Imbia’mi in posta eletrònica su verbale de su Consìgiu

117.6: Si sunt postos a chistionare de su traballu issoro cun istràngios

117.7: Move’ti’nde ca depes èssere in domo pro sas duas

117.8: Pro cuntentare a sa mama nch’at fatu essire su gatu a sa carrera

117.9: Intre sas duas e sas bator mi chèrgio pasare cun tegus

117.10: Cando ti nd’andas dae inoghe ammenta’ti de ti collire sos duches

ESERTZÌTZIU 118 **118.1:** A inghiriu de sa domo b’at unu muntone de erba arta (PI)

118.2: Non mi coles a curtzu (A)

118.3: Sa dotora est in intro (A)

118.4: Proa a pònnere unu libru a suta de su videoproietore (PI)

118.5: M’at mutidu dae tesu (A)

118.6: Iscanza conca a s’Alighera (PI)

118.7: Semus colende a presu de domo tua (PI)

118.8: Lassa’lu a suta, su filu (A)

118.9: Non ti nch’imbuches a intro de cussa gruta (PI)

118.10: Biddamanna no est a tesu meda dae Nùgoro (PI)

ETIMOLOGIA E DIFUSIONE	3
COERÈNTZIA GRÀFICA	4
EVITARE SAS METÀTESIS	5
S'ATZENTU	6
SOS CLÌTICOS	7
SAS PARTIGHEDDAS PRONUMENALES NDE / NCHE	8
SA VOCALE PARAGÒGICA	9
NE/NEN	10
NO/NON	11
S'APÒSTROFU	12
SA “-T” FINALE IN SA DE 3 PESSONES DE SOS VERBOS	13
S'ACUSATIVU PREPOSITZIONALE	14
SA “D” EUFÒNICA	15
COMENTE ISCRÌERE SA “Z”	16
IMPREU DE SA “J”	17
IMPREU DE SA “H”	18
IMPREU DE SA “Q”	19
CUNSONANTES DÒPIAS	20
SAS PARÀULAS FURISTERAS	22
SOS CULTISMOS	25
NÙMERU E GÈNERE	26

S'ARTÌCULU	29
S'AGETIVU	31
SOS PRONÙMENES	35
PRONÙMENES INDEFINIDOS RELATIVOS E INTERROGATIVOS	36
PRONÙMENES PERSONALES IN FUNTZIONE DE SUGETU	38
PRONÙMENES PERSONALES IN FUNTZIONE DE CUMPLEMENTU	39
PRONÙMENES PERSONALES RIFLESSIVOS	40
PRONÙMENES POSSESSIVOS E DIMOSTRATIVOS	41
SAS PROPOSITZIONES	42
SA PREPOSITZIONE PRÒPIA	45
SA PREPOSITZIONE IMPRÒPIA	46
CURRETZIONE DE SOS ESERTZÌTZIOS	47



PROVINTZIA DE ARISTANIS
SETORE PROMOTZIONE DE SU TERRITÒRIU

**UFITZIU DE SA LIMBA E
DE SA CULTURA SARDA**



**PRESIDÈNTZIA DE SU
CONSÌGIU DE SOS MINISTROS**



**REGIONE AUTÒNOMA
DE SA SARDIGNA**

